

## **CONVOCATORIA DE 27 DE XANEIRO DE 2025 PARA UN CONTRATO FORMATIVO PARA A OBTENCIÓN DE PRÁCTICA PROFESIONAL NA CATEGORÍA DE AUXILIAR DE PROGRAMAS DE RADIO NA CORPORACIÓN RADIO E TELEVISIÓN DE GALICIA S.A.**

### **1. OBXECTO**

Selección de persoal para a formalización dun (1) contrato de traballo formativo para a obtención da práctica profesional na categoría de Auxiliar de programas de radio.

### **2. PUBLICIDADE**

A convocatoria, listaxes e o calendario de celebración das probas publicaranse na páxina web da CRTVG, <https://www.crtvg.gal/gl/ofertas-de-emprego>, medio polo que se xestionarán todas as comunicacións relacionadas co desenvolvemento do proceso selectivo.

O anterior sen prexuízo da publicación noutros medios coa finalidade de dar publicidade á convocatoria.

### **3. CATEGORÍA LABORAL**

A categoría engloba todas aquelas persoas que se encargan preparar, organizar e controlar a fase de produción dun programa ás ordes da persoa que o dirixe. Teñen ao seu cargo a confección de pautas, a redacción de guións e textos de continuidade, a preparación da selección musical e o establecemento de contactos e relacións externas.

### **4. REQUISITOS DAS PERSOAS ASPIRANTES**

Para poder presentarse ao proceso de selección, será obrigatorio o cumprimento dos seguintes requisitos á fin do prazo de presentación de solicitudes:

#### 4.1. Requisitos xerais:

4.1.1. Ter cumprido 16 anos de idade.

4.1.2. Ser nacional dalgún dos estados membros da Unión Europea ou dalgún estado ao que, en virtude dos tratados internacionais celebrados pola Unión Europea e ratificados

por España, lle sexa de aplicación a libre circulación de traballadores. Tamén poderán participar, calquera que sexa a súa nacionalidade, o cónxuxe dos españois, dos nacionais de algún dos estados membros da Unión Europea, cando así o prevea o correspondente tratado, e dos nacionais dalgún Estado ao cal, en virtude dos tratados internacionais celebrados pola Unión Europea e ratificados por España, lles sexa de aplicación a libre circulación de traballadores, sempre que non estean separados de dereito, así como aos seus descendentes e aos do seu cónxuxe, menores de vinte e un anos ou maiores da dita idade que vivan as súas expensas. Así mesmo, poderán participar os estranxeiros con residencia legal en España.

4.1.3. Posuír capacidade funcional para o desenvolvemento das tarefas.

4.1.4. Non ter sido despedido/a mediante expediente disciplinario de ningunha Administración Pública, dos órganos constitucionais ou estatutarios das Comunidades Autónomas, nin encontrarse na situación de inhabilitación absoluta ou especial para o desempeño de empregos ou cargos públicos por resolución xudicial, cando se trata de acceder á mesma categoría profesional á que se pertencía.

No caso de ser persoa nacional doutro Estado, non atoparse inhabilitado ou en situación equivalente nin ter sido sometido/a a sanción disciplinaria ou equivalente que impida, no seu Estado, nos mesmos termos o acceso ao emprego público.

4.2. Requisitos Específicos:

4.2.1. Estar en posesión da titulación de Ciclo superior de Producción de audiovisuais e espectáculos ou equivalente.

No caso de titulacións obtidas no estranxeiro, deberán estar en posesión da credencial que acredite a súa homologación na data de finalización do prazo de presentación de solicitudes.

4.2.2. Non poderán participar no proceso as persoas que tiveran experiencia profesional ou tiveran realizado actividade formativa na mesma actividade dentro da empresa, por un tempo superior a tres meses, sen que computen a estes efectos os períodos de formación ou prácticas que formen parte do currículo esixido para a obtención da titulación ou certificado que habilite para a contratación.

4.2.3. Non ter estado contratado nun contrato formativo para a obtención de práctica profesional na mesma ou distinta empresa por tempo superior a un ano en virtude da mesma titulación ou certificado de profesionalidade.

Non ter estado contratado en virtude dun contrato formativo para a obtención de práctica profesional na mesma empresa para o mesmo posto de traballo por tempo superior a un ano, aínda que se trate de distinta titulación ou distinto certificado.

## 5. TRIBUNAL

5.1. O tribunal encargado de valorar as probas estará formado polas seguintes persoas:

- **Presidencia:** Natalia Penas Varela (Xefa de Servizo de Xestión Operativa de programas da Radio Galega)
- **Vogal:** María Nieves Gil Barcia (auxiliar de programas de radio na CRTVG)
- **Vogal:** Paulino Novo Folgueira (Asesor lingüista na CRTVG)
- **Secretaría:** Mercedes Blasco Zas (xefa do Servizo de Formación e Selección de Persoal da CRTVG), secretaria

5.2. O desenvolvemento do proceso realizarase consonte ao principios de igualdade, mérito e capacidade, publicidade, concorrencia competitiva, transparencia e deberase garantir o segredo das probas.

5.3. As persoas membros do órgano de selección asinarán unha declaración de non atoparse incurso en ningún dos motivos previstos no artigo 23 da Lei 40/2015, de 1 de outubro, do Réxime xurídico do sector público. Se á vista das listaxes de participantes observasen que concorren neles algúns dos citados motivos deberán absterse de participar e notificaranllo á persoa que efectuou o nomeamento.

As persoas aspirantes poderán recusar ás persoas que integran o tribunal cando concorran neles algunha das circunstancias referidas no parágrafo anterior consonte ao establecido no artigo 24 da Lei 40/2015, do 1 de outubro, de réxime xurídico do sector público.

A autoridade que convoca publicará na páxina web da CRTVG ([www.crtvg.gal](http://www.crtvg.gal)) a resolución correspondente pola que se nomeen as novas persoas membros do tribunal que substituirán ás que perdesen a súa condición por algunha das causas previstas nesta base.

5.4. Adoptaranse os medios necesarios para que as persoas aspirantes cunha discapacidade igual ou superior ao 33% que precisen adaptacións poidan desenvolver as probas en condicións de igualdade.

5.5. A persoa coa condición de lingüista encargárase de elaborar e cualificar en exclusividade a proba de galego. O resto das persoas que compoñen o tribunal

encargaranse da elaboración e puntuación do resto das probas, coa excepción da persoa que ostente a secretaría, que non elaborará as probas nin as puntuará.

5.6. O tribunal poderá dispoñer a incorporación aos seus traballos de persoas coa condición de asesoras especialistas para todas o algunha das probas, que se limitarán ao exercicio exclusivo das súas especialidades técnicas, polas que colaborarán co órgano de selección. Deberán absterse de participar cando concorran as circunstancias previstas no art. 23 da Lei 40/2015, de 1 de outubro, do Réxime xurídico do sector público e notificaranllo ao órgano que convoca.

## **6. PROCEDemento DE INSCRICIÓN E LISTAXES DE PERSOAS ADMITIDAS E EXCLUÍDAS**

6.1. As persoas aspirantes deberán enviar por correo electrónico ao enderezo [proceso.seleccion@crtvg.gal](mailto:proceso.seleccion@crtvg.gal) unha solicitude, segundo modelo do anexo I, e a documentación que se indica a continuación:

6.1.1. Curriculum vitae.

6.1.2. Fotocopia do DNI.

6.1.3. Acreditación do requisito académico solicitado no que conste a nota media do expediente (certificado do título ou similar).

6.1.4. Certificado correspondente ao nivel de coñecemento de lingua galega do Celga 3 ou superior.

6.1.5. As persoas aspirantes que aleguen un grao de discapacidade deberán presentar o ditame técnico facultativo que acredite posuír o correspondente grao de discapacidade.

As persoas aspirantes cun grao de discapacidade acreditada igual ou superior ao 33%, deberán facer constar no anexo se precisan de adaptación de tempo e/ou medios para a realización da proba e achegar o certificado da discapacidade onde conste o grao.

6.1.6. Declaración responsable, segundo Anexo II, no caso de ter formalizado outro contrato de traballo, de diferente modalidade ao de prácticas onde conste que non realizou as tarefas da categoría convocada especificadas na presente convocatoria.

6.1.7. Certificación da vida laboral actualizada.

6.1.8. Para o caso de que tivese formalizado con anterioridade outro contrato en prácticas, un certificado emitido pola empresa no que conste a duración das prácticas, o posto de traballo desenvolto e as principais tarefas realizadas.

6.2. O prazo de recepción de solicitudes remata o 3 de febreiro de 2025.

6.3. As persoas que posúan o Celga 3 ou superior estarán exentas da realización da proba de galego. Para a acreditación deberán achegar o certificado xunto á solicitude.

6.4. As persoas solicitantes que non achegaran a documentación requirida quedarán excluídas do proceso.

6.5. O tribunal publicará na páxina web de CRTVG a listaxe provisional de persoas admitidas entre as aspirantes que cumpran todos os requisitos e presenten toda a documentación e seleccionará os vinte (20) expedientes con maior nota media.

Contra estas listaxes provisionais de persoas admitidas e excluídas poderanse presentar alegacións ou emendas do defecto que motivou a exclusión no prazo de cinco (5) días naturais, a contar desde a publicación das listaxes. Non se poderán presentar solicitudes fóra do prazo sinalado para o efecto.

As alegacións serán enviadas ao enderezo electrónico [proceso.seleccion@crtvg.gal](mailto:proceso.seleccion@crtvg.gal). O tribunal resolverá as alegacións presentadas no prazo máximo de cinco (5) días naturais, e publicará a continuación a listaxe definitiva de persoas admitidas na páxina web da Corporación RTVG. Xunto coa listaxe definitiva publicarase a relación de persoas exentas de realizar a proba de coñecemento de lingua galega por ter acreditado estar en posesión do Celga correspondente.

## **7. REALIZACIÓN DAS PROBAS**

7.1. Poderanse presentar ás probas as persoas que figuren na listaxe definitiva de persoas admitidas.

A data de realización de todas as probas será acordada polas persoas membros do Tribunal. A mencionada data anunciarase na páxina web da Corporación RTVG no momento de publicación da listaxe definitiva de persoas admitidas e excluídas. As persoas aspirantes deberán estar á hora que anunciará na entrada das instalacións da CRTVG e presentar o DNI ou outro documento acreditativo da súa personalidade.

7.2. A valoración de coñecementos farase a través das seguintes probas,

**7.2.1. Un exercicio tipo test de coñecemento de lingua galega.**

Esta proba, de carácter eliminatorio, terá un grao de dificultade consonte ao programa do certificado Celga 3 e as súas cualificacións serán unicamente de apto ou de non apto.

A proba consistirá en contestar por escrito un cuestionario de dez (10) preguntas tipo test, propostas polo tribunal, mais dúas (2) preguntas de reserva, sobre o contido do programa recollido como anexo II desta convocatoria. A proba terá unha duración de doce (12) minutos.

Para obter a cualificación de apto deberán obter unha puntuación mínima de 5 puntos sobre 10. A cualificación de non apto significará a exclusión do proceso. Estarán exentos de realizar esta proba as persoas aspirantes que acrediten a posesión do certificado Celga correspondente.

**7.2.2. Unha proba teórica tipo test (40 puntos)**

Consistirá en contestar por escrito un cuestionario de vinte (20) preguntas tipo test, propostas polo tribunal, mais tres (3) preguntas de reserva, sobre o contido do programa recollido como anexo II desta convocatoria.

Cada pregunta conterá catro respostas alternativas das cales só unha delas será a correcta. As respostas incorrectas non penalizarán.

O exercicio terá unha duración máxima de trinta (30) minutos e cualificarase de 0 a 40 puntos.

**7.2.3. Un exercicio práctico (60 puntos)**

O exercicio desenvolverase en dous bloques:

**1. Desenvolvemento de contidos para un programa ou plataforma (30 puntos)**

Esta parte da proba consistirá na redacción dunha proposta de contidos, apoiado en varios teletipos propostos polo tribunal, para un programa de radio de tipo magazine ou xeralista ou plataforma.

A duración da proba será de sesenta (60) minutos e cualificarase de 0 a 30 puntos.

## **2. Execución práctica da proposta de contidos (30 puntos)**

Esta parte da proba consistirá na execución práctica da proposta de contidos previamente redactada.

A duración da proba será de quince (15) minutos e cualificarase de 0 a 30 puntos.

Para obter a cualificación de apto as persoas aspirantes deberán obter unha cualificación mínima de 50 sobre 100 na suma total de todas as probas, sen contar a proba de lingua galega.

## **8. RESULTADO DAS PROBAS REALIZADAS**

O tribunal publicará a listaxe de puntuacións provisionais das probas na páxina web de CRTVG.

As persoas aspirantes poderán presentar alegacións contra eses resultados provisionais de cada proba no prazo de cinco (5) días naturais desde a súa publicación. As alegacións enviaranse ao enderezo electrónico [proceso.seleccion@crtvg.gal](mailto:proceso.seleccion@crtvg.gal).

O tribunal resolverá as alegacións presentadas nun prazo máximo de cinco (5) días naturais, publicando a continuación a listaxe definitiva de puntuacións.

## **9. CRITERIOS DE PRELACIÓN PARA RESOLVER EMPATES**

Para os efectos de confeccionar a listaxe definitiva de aprobados no suposto de que se produza un empate entre dúas ou máis persoas aspirantes, a orde de prelación virá dado pola aplicación dos seguintes criterios de desempate:

1º. Aspirante de sexo feminino, cando na categoría se dean as condicións de infrarrepresentación previstas na Lei 7/2023, de 30 de novembro, para a igualdade efectiva de mulleres e homes de Galicia.

2º. Aspirante que tivese maior puntuación no exercicio práctico.

3º. Aspirante que tivese maior puntuación no exercicio teórico.

4º. Aspirante de maior idade.

5º. Aspirante elixido por sorteo, para o caso de persistir o empate.

## **10. RESOLUCIÓN DA CONVOCATORIA**

10.1 O tribunal publicará na páxina web de CRTVG a listaxe provisional de persoas aprobadas, contra a que se poderán presentar alegacións no prazo de cinco (5) días naturais a contar desde a súa publicación.

10.2. O tribunal resolverá as alegacións presentadas nun prazo máximo de cinco días desde a finalización do prazo de presentación de alegacións e publicará a continuación a listaxe definitiva de puntuacións, especificando cal é/son a/s persoa/s que superou/superaron o proceso, que non poderá superar o número de prazas convocadas.

## **11. CONDICIÓN DO CONTRATO DE TRABALLO EN PRÁCTICAS**

O período de proba será de un mes. A duración do contrato non poderá ser inferior a seis meses nin exceder de un ano.

A retribución será, segundo o convenio colectivo vixente (DOG nº167, do 2 de setembro do 2015), do 70% do salario fixado para a categoría e nivel salarial de Redactor/a.

## **12. PROTECCIÓN DE DATOS**

Os datos facilitados polas persoas aspirantes serán tratados pola Corporación Radio e Televisión de Galicia SA (Corporación RTVG), entidade prestadora do servizo de comunicación audiovisual de competencia da Comunidade Autónoma de Galicia, con domicilio social en Bando, San Marcos, s/n, Santiago de Compostela.

Os datos persoais facilitados no currículo e aqueles outros que se faciliten durante o proceso de selección serán tratados co fin de valorar e xestionar as solicitudes de emprego e, se é o caso, levar a cabo as actuacións necesarias para a selección e contratación de persoal e, agás que a persoa interesada indique a súa vontade en contra, serán conservados cos fins indicados durante todo o período das prácticas, e da vixencia da listaxe de contratación se fose o caso, polo que será responsabilidade das persoas interesadas mantelos actualizados, xa que serán utilizados para comunicar as futuras vacantes que se axusten ao perfil e poidan resultar do interese das persoas aspirantes.

Ás persoas aspirantes daráselles unha folla de consentimento voluntario de tratamento de datos, informándolles de que os datos das persoas interesadas serán tratados sobre a base do seu consentimento, que pode retirar en calquera momento, suposto no que a



súa candidatura poderá non ser tida en conta nos procesos de selección de persoal da CRTVG. No caso de retirar o seu consentimento, iso non afectará á licitude dos tratamentos efectuados con anterioridade.

Santiago de Compostela, 27 de xaneiro de 2025



**CRTVG** CORPORATION  
RADIO E TELEVISIÓN  
DE GALICIA  
Recursos Humanos

Víctor Tubío Villar

Director do Departamento de Recursos Humanos

Corporación Radio e Televisión de Galicia, SA

**ANEXO I**

SOLICITUDE DE PARTICIPACIÓN NO PROCESO DE SELECCIÓN PARA UN CONTRATO FORMATIVO PARA A OBTENCIÓN DE PRÁCTICA PROFESIONAL NA CATEGORÍA DE AUXILIAR DE PROGRAMAS DE RADIO	
Nome e apelidos	
Nº DNI, NIE...	
Enderezo	
Correo electrónico	
Teléfono	

Grao de discapacidade	
Adaptación de tempo e/ou medios	

DOCUMENTACIÓN QUE ACHEGA	
	Curriculum vitae
	Fotocopia DNI
	Acreditación da titulación e nota media do expediente
	Certificado de discapacidade
	Certificado de estar en posesión do nivel do Celga requirido
	Certificación da vida laboral actualizada
	Anexo III declaración de non ter realizado as tarefas
	Certificación da empresa (So para os casos aos que se refire o punto 6.1.8)

En \_\_\_\_\_ a \_\_\_\_\_

Asdo: \_\_\_\_\_

## **ANEXO II**

### **PROGRAMA DO PROCESO SELECTIVO**

1. Temas de actualidade
2. Institucións autonómicas, nacionais e internacionais
3. Teoría da radio: linguaxe, guión, xéneros e formatos
4. Contorna tecnolóxica básica radiofónica
5. Lei 7/2023, do 30 de novembro, para a igualdade efectiva de mulleres e homes.  
Título preliminar, Título I, Capítulos II e V do Título II e Capítulo V do Título VI.

## **ANEXO III**

### **DECLARACIÓN XURADA**

\_\_\_\_\_ con DNI \_\_\_\_\_, declaro que nos contratos de traballo que figuran no certificado da vida laboral non realicei as tarefas da categoría de \_\_\_\_\_ convocada pola CRTVG, que se especifican na convocatoria.

E para que así conste e para os efectos da participación no presente proceso de selección, asino a presente declaración en \_\_\_\_\_ o \_\_\_\_de \_\_\_\_\_do \_\_\_\_\_.